



21. november - 2014

UKA2024/24

Siunnersuut uunga: Utoqqarnut tapersersuinissaq pillugu Inatsisartut inatsisaat

(Isumaginninnermut, Ilaqutariinnut, Suliffeqarnermut Nunamullu Namminermt Naalakkersuisoq)

Utoqqaat pillugit politikitsinni inuup naleqassusia aallaaviuvoq – tamatumalu siunertaasa ilagaat toqqissisimaneq pitsaassuserlu.

Nunatsinni utoqqanngorluni inooqataaneq nuannersuusariaqarpoq. Utoqqaat illoqarnikkut susassareqatigiinnikkut atugarissaarnerunissaat sulissutigissuarput, taamaattumik utoqqaat ajunngitsunik atugaqarnissaat periarfissaqartitaanissaallu Siumumi ilumoorullugu sulissutigaarput.

Siornaakkunni utoqqaligaluarlutik suliffeqartut annerusumik ilanngartuunneqaratik isertitaqarnerusinnaanerat periarfissipparput aamma aapparisp isertitai utoqqalinersialimmut ilanngartuutaajunnaarsippagut. Aaliangikkat taakkua saniatigut utoqqalinersialinnut utoqqaat namminneq illoqartut illuminnik iluarsartuussisinnaanerinut periarfissat pitsanngorsarpagut aningaasaliiffigalugillu. Aaliangikkat pitsaasut periarfissiisullu pisaraluartut ajoraluartumik utoqqaat kommuninut saaffiginninnerminni aporfissinneqartarput ass. aapparisp isertitai pillugit imal. illumik nutarteriniarnerminni, taamaattumik uuma inatsisip piffissaqarluarluni atuutsilersinnissaa Siumumiik pingaartipparput paasisitsiniutigineqarnissaa pisariaqarmat.

Ukiut siuliini periusissiortoqarpoq, periusissiat suliarineqartarput peqatigiiffiit kattuffiillu peqataatillugit. Periusissiami siunertat maanna kittaarlugit naalakkersuisunit piviusunngortinniarlugit suliarineqarput, taakkununnga ilaasoq maanna inatsisissatut saqqummiunneqarpoq.

- Inatsisit utoqqarnut tunngasut pioreersut katersornissaat nutarsarnissaallu.
- Utoqqaat naligiimmik pisinnaatitaaffeqartillugit namminerlu inatsiseqalersillugit taamaalillutik innarluuteqarneq pillugu inatsisip ataaniikkunnaarlutik.
- Ikiorsiisarnerup tapersiisarnerullu malittarisalittut aqqissuuneri

Siunissami utoqqaat amerlanerulernissaannut utoqqarnut tunngassuteqartut qulakkeernissai Una inatsissaq pillugu, Isumaginninnermut naalakkersuisup ataatsimiititaliaq aggersarnikuuaa. Ataatsimiinnermi nassuiaateqqissaarneqarpugut, inatsik taanna utoqqarnut qanoq sunniuteqassanersoq. Siumumiillu isumaqarpugut inatsisissaq pitsaasuusoq utoqqarnullu iluaqutaassasoq.

Innuttaasut utoqqalisut suliffeqareernermit utoqqalinerminni pitsaasunik atugassaqarnissaat qulakkeerniarlugu una inatsisissaq nutaaq Naalakkersuisuniik saqqummiunneqarpoq.

Naalakkersuisup saqqummiussaani oqaatigineqarpoq ullumikkut utoqqalinersiallit 4500 missaaniittut ukiunilu tulluuttuni soraarningortut 7000 missaanniilissasut taamaattumik utoqqaat nammineq angerlarsimaffiminni sapinngisamik sivirusnerpaamik najugaqarnissaat qulakkeerusupparput, pisariaqarporlu pisinnaatitaaffiisa ataqqineqarnissaat ajornannginnerusumillu kommuuninit angerlarsimaffimmi ikiorteqarnikkut qulakkeerninnissaq.



Una inatsisissaq utoqqaat sapinnginnerusut najungaqatigiiffiini pilersitsinissamut aqqutissiuusussaavoq Siumumiillu mluginiarparput tamanna ukiuni kingullerni ersarissumik utoqqaat akornanni ugartorneqartartoq, taamaattumik siunertaq taperserparput. Taamatut ammaassinikkut utoqqalillutik imminnut aliikkutareqatigiissinnaanerit ikioqatigiissinnaanerallu aqqutissiuunneqassaaq, kiserliortarneq annikillisarneqassaaq toqqissisimanarnerusumillu utoqqalinissaq aqqutissiuunneqassalluni. Siumumiik taamatut oqaaseqarluta inatsisissaq utoqqarnut iluaqutaasussaq taperserparput.

Doris J. Jensen, Siumut